

漢天師世家卷二  
壁二  
賜進士通議大夫工部左侍郎安仁張鏡校

天師世傳引

天師之孫見於素問莊子蓋謂有道者之極  
稱老聃子言道德於周祖天師倡正一教於

壁二

漢而張氏號天師者今四十八代矣傳代歷  
歷何其詳哉千五百年盛衰相因廢興相尋  
未有如張氏一姓之獨靈長也豈非萃山川  
之秀合天人之妙而克然哉垂裕後昆吾莫  
知其已矣

祖天師諱道陵字輔漢沛豐邑人也九世祖  
良遊下邳圯上黃石公授之以書後從漢高  
祖取天下以功封留侯語帝曰臣願棄人間  
事從赤松子遊卒謚文成侯嗣侯子不疑不  
疑子高子通子無妄無妄子里仁里仁

子皓皓子綱綱子大順是為桐栢真人天師  
父也母夢神人自北斗魁星中降至地長丈  
餘衣繡衣授以香草曰衛微也既覺衣服居  
室皆有異香經月不散感而有娠漢建武十  
年正月十五夜生於吳之天目山黃雲覆室

紫氣盈庭室光如畫昔之香氣復聞身長九  
尺二寸龐眉廣額朱頂綠睛隆準方頤目三  
角美鬚髯垂手過膝龍踞虎步望之儼然七  
歲讀老子書即了其義於天文地理圖書識  
緯之祕咸貫通焉以及墳典所覽無遺從學

者千餘人天目山南三十里西北八十里皆  
有講誦之堂臨安神山觀餘杭通仙觀即其  
地也後自浙踰淮涉河洛入蜀山得鍊形合  
氣之書辟穀少寐永平二年二十五歲以直  
言極諫科中之拜江州令謝官歸洛陽北印

山脩煉三年有白虎銜符至座隅建初五年  
章帝徵不赴永元和帝徵為太傅冀縣侯  
三詔不就遊淮居桐栢太平山獨與弟子王  
長從淮入鄱陽登樂平雲子峰山神拜於道  
願受驅策命廟食峰下煉丹其間山神知覺

壁三

而雙鶴導其出入遂棄其地沂流入雲錦山  
煉九天神丹丹成而龍虎見山因以名時年  
六十餘餌之益壯有神人自稱趙公明從黑  
虎詣前曰願永護丹局暨訪西仙源得制命  
五嶽檄召萬靈及神虎秘文於壁魯洞復往

嵩山石室得三皇內文黃帝九鼎丹書及太  
清丹經乃曰昔禹平水土益焚山澤功垂萬  
世今地道失寧效厲不戒吾徒無益道功未  
立聞巴蜀沴氣為災當往除之初居陽平山  
感太上授以經籙之法次登西城山築壇壇

以降五帝或告曰西城白虎神飲人血以人  
為祭召而戒之梓州產大蛇鳴則山谷震噬  
氣數里中者輒死誅之復居葛瓚山秦中昌  
利隸上湧泉真多北平稠稷渠亭諸山脩九  
真之法得出入水火之妙及養神輕身之術

還鶴鳴山漢安元年壬午上元感太上垂車  
駕五白龍降謂曰吾昔為尹喜說經今命汝  
溥度含靈吾當於此建立二十四治分命仙  
曹主掌世人罪福死生今經多劫職司大天  
稽敷血食鬼神率據其所人鬼不分汝其復

壁二

治之今授汝三五都功諸品經籙次授三五  
斬邪雌雄劍玉印魚鱗水二儀交泰冠通天  
玉簡千日後會闕苑天師拜謝漢安二年七  
月一日登青城山山有鬼城鬼市鬼眾分為  
八部日為民害各有鬼帥領之及至鬼帥率

其屬迎敵天師以丹筆書空鬼眾立仆招之復起或及風而火焚或揭日而霧散限以泰山壓以巨石鬼物哀舞乞命請受約束遂命俱會於青城黃帝壇下使人處陽明鬼處幽暗誓曰自今已往天地交日月合汝若復出

吾必誅汝立二十四治增置四治以應二十八宿正氣下通以六十甲子生人分屬各治每治立仙官陰官及祭酒之曹分統之其誠敬忠孝積功行者仙官錄其善其悖逆奸貪盜肆狼戾者陰官紀其罪由是善惡之報捷

如影響使蜀民向化定三十六靖廬七十二福地三百六十名山品秩各置神司之還靈臺謂弟子王長陽山有白氣彼妖也往治之道逢十二神女因問鹹泉何在曰前有大湫毒龍伏其中以符投之妖舍湫而去旋濯神

劍其下成蓋并神女各獻玉環一枚願奉符箓天師以十二環合而為一投於井中曰孰能得環者如所請衆女爭下取環天師遂掩而誓曰永為井神毋為民害有獵者逢於道戒以勿殺授以煮鹽之法民收其利即地初

天師廟踰清河府君之祠至今崇奉祈禱不絕過宋江察江中有妖篆石為函以錮之妖乃絕居主簿山神人夜獻玉壁居本竹山衆真降授靈寶經居蒙泰山遷渠亭山至雲臺山見絕壑中桃熟謂弟子曰孰能下取趙昇

下取以獻天師亦投下昇長繼赴遂以神丹及諸經玄秘授昇長居瀉沅山為說經臺居鹿堂山煉九轉神丹居平蓋山合九華大藥至成都地湧王局考子復降說諸經要永壽二年遊渠亭山奉太上王册勅命為六合無

窮高明大帝既而太上勅為第六代道之外孫而東海小童君為保舉師太上為度師封道陵為天師授三百人惟三人係代行治張中王昇李忠也乃以經籙印劍付子衡戒之曰吾遇太上親傳至道此文總領三五步罡

正一樞要世世一子紹吾之位非吾家宗親子孫不傳是日以丹付長昇分餌於雲臺峰與夫人雍氏乘雲上昇在人間者一百二十三歲王長趙昇侍焉文文姬文光賢姬芳芝皆得道上昇天寶七年詔後漢天師張道陵

冊贈太師唐中和四年封三天扶教大法師宋紹寧加號三天扶教輔元大法師唐玄宗皇帝贊曰邈彼炎漢天圖中闕萬彙消殘三靈蕩越惟師應運神威迅發躬侍玄元親傳秘訣妖毒雲驅崇山劍裂大布聲教全清盡

孽一振無為永先有截鸞鶴斯邁丹青是設玉相真儀傳芳不歇又贊云邈矣真仙孤高峻節氣貫穹冥玄元示訣落落神儀亭亭皓月誅邪斬精馳驅鬼徹漢代盟威流傳不絕唐肅宗皇帝贊曰德自清虛聖教之實或隱

或顯是樸是質靜處瓊臺焚香玉室道心不二最為正一宋徽宗皇帝封真君王册文曰維大觀二年歲戊子十月丁丑朔十有六日壬辰皇帝御名謹再拜言曰惟道無方待人而行行惟物役資人而成若昔至真以道興

世功披萬物則為神明務稱其休夫何敢不崇恭惟漢天師正一真人三天扶教輔元大法師體妙聞玄有大利於天下劉氏之季厥跡懋焉遂挾光景上超人羣秋籙真圖系傳於後珥除災孽殲禦不祥陰陽下民既久珥

著不有微稱何以極報典揚嘉惠謹遣朝奉大夫知信州軍事劉晏上尊號曰正一靖應真君夫道藏於幽顯於明功施於速著於近匪我能然惟常弗息尚鑒觀茲益行其餘祐我邦家延及我民懋昭無疆之休俾嗣永世

宋理宗皇帝制曰道家以清淨無為為宗篆籀丹竈吐納醮祭乃其法之祖而崇信者篤得非誘人以悔過趨善固名教治道之一助歟三天扶教輔元大師正一靖應真君受命璇穹降生漢代脩真煉行乘雲上昇二十四

治及青城擲筆翫鬼三嶋化地作鹹泉靈迹在蜀不可誣也上饒龍虎山相傳為真君故樓玉印寶劍奕世授傳乃者京畿曠早朝汐衝决懇祈響富實繁陰祐儒者諱言恠執古史一語過加識譽是不知常善救人故無業

人與吾所謂惻隱之心仁之端奚以異乎其因舊稱加以美謚森游無間尚克欽承可封三天扶教輔元大法師正一靖應顯佑真君元成宗皇帝制曰我國家以至仁上德崇獎不忘祖天師之遺烈靈風紀錄具在若稽古

典特昇加各三天扶教輔元大法師正一靜應顯佑真君煉氣成真除邪輔正羽儀凡世歷年千二百餘印劍單傳距今三十七代嗣孫與棟克承正法宗師留孫增潤先猷道雖本於無為德真厚於追遠因特而顯記昔所

開天授經於漢永壽之初當乙未之正月加謚於今元貞之歲又甲子之同符似有數存尚祈世濟可加封正一冲玄神化靜應顯佑真君是為天師一代

二代嗣師諱衡字靈真精脩至道不與世接被徵為黃門侍郎不就永壽二年襲教居陽平山歲以經籙授弟子克彰正一之道言約理明聞者有感漢元和己未年正月以印劍付子魯曰汝祖以天地為心生靈為念誠敬忠孝為本周行天下除妖孽之為民害者是

以親遇聖師建立大教嗣吾教者非誠無以得道非敬無以立德非忠無以事君非孝無以事親汝其遜相傳授世承人倫世遵成訓於是率諸弟子拜曰祖師志願弘博因家立教永世為宗緣與道符身為法嗣承先啓後

厥任為難敢不祗動用弘玄化言畢與妻盧氏於陽平山白日上昇大元至大元年武宗皇帝制曰蓋聞古先哲王莫不以清靜寧民為本公孫有大隗之訪陶唐有汾水之往所以博求至理在園天下也朕甚慕之天師正

一之教其幾是乎今有司以嗣師位踰為請惟師嗣守道器遠榮冲引尚安事名然繼宗開緒納俗安善之迹不可不表也宜有顯稱以致退仰可贈正一嗣師太清演教妙道真君

三代系師諱魯字公祺嗣師長子也少膺祖訓時漢祚日凌中州板蕩鄉土震動嘗慕義以保障以道訓人從之益眾來學者教以誠敬不欺有疾者令自首其過立祭酒痊可猶者使佩經籙率之趨善久皆自化時詔授典

農校尉安民中郎將領漢安太守鎬焉克蜀有不臣之心請天師為督義司馬遂避名漢中積粟巨萬詔命為漢中南鄭二郡太守未幾兼兵雍兵亂眾欲以天師王漢中力拒之乃已魏兵又迫乃封府庫而退居南山魏太

祖引兵入南鄭見府庫充實非有惡意甚嘉之卑辭遣使慰諭拜為梁益二州刺史封鎮南將軍關內侯食邑三萬戶固辭不受謂使者曰吾儂道士也世慕冲舉裂土之封非所願也請還印綬一日召嗣子盛以經籙劍印

壁三

八

授之曰龍虎山祖師玄壇在焉其地天星照應地氣冲凝神人所都丹竈秘文藏諸岩洞汝宜徃宣吾化脩煉累功遂於北斗峰上昇弟衛字公則為昭義將軍棄官學道白日冲舉弟傀字公仁歷封為南郡太守加附馬都尉棄官學道白日冲舉子五人閻園等皆侯俱不受元成宗皇帝制曰朕惟道之大原出於天而成之在人有漢天師之緒遠矣匪其子孫善繼善承不息益大孰濟登茲是以代有異人出裨治化朕既加號於嗣師而系師

景行輝靈昭於簡冊妙於自拔功成不居經不云乎上德不德是以有德可贈正一系師太清昭化廣德真君

四代天師諱盛字元宗系師三子也初居南鄭克志精脩父命嗣教魏世祖封奉車都尉

散騎侍郎加都亭侯不受携劍印經籙自漢中還鄱陽入龍虎山得祖天師玄壇及丹竈故址即其地為居以三元日自登壇傳籙以授四方學道之士動千餘人自是闡為科範率以為常以劍印付子昭成既以示化不踰

壁三

九

年復於廣西賀州為廣王設法當謂人曰西蜀鶴鳴東吳龍虎功行既成再遊南土元至正元年贈清微顯教弘德真君

五代天師諱昭成字道融元宗長子少學道不懈每端坐一室中出神數百里虎豹逢之皆伏壽一百一十九歲而化面色如生墓生靈芝百本或見白鶴往來及啓棺視之惟冠履存焉元至正十三年贈清微廣教弘道真君

六代天師諱樹字德馨博通儒書安帝累徵不起嘗遊鄱湖月夜一老翁登舟進曰闡師家以仙道立教願拜下風而無階可進今者不意仙蹤遠駐近津獲挹光儀乞示蘊奧以啓昏愚遂告曰昔者得道之士皆由皈依而入然質心於戒莫若質戒於心則萬法皆空

一真常存翁知之乎遂起謝而去從者或見異光水天一色不知翁之所在天師笑曰此龍伯也水族是掌大道未聞故來有請居山時多神異之跡年一百餘歲尸解而去元至正十三年贈清微弘教玄妙真君

七代天師諱回字仲昌初能言即問道是何物眾不能答慨然失笑而嘆五歲欲傳經錄父曰且讀儒書對曰祖書不讀讀他書何為十歲嗣教能辟穀日行數百里後入青城山不知所終元至正十三年贈王清輔教弘濟

真君

八代天師諱迥字彥超幼得道半姿俊美德量天成至誠存化請禱者無貴賤皆不吝輒有神應魏太祖嘗召赴闕問道年九十解化之日異香滿室經月不散元至正十三年贈

壁三

十

王清應化冲靜真君  
九代天師諱符字德信端肅明達凡經傳子史過目成誦經籙猶顯於時四方仰之壽九十三而化元至正十三年贈王清贊化崇妙真君

十代天師諱子祥字麟伯仕隋為洛陽尉葉官襲教服食精煉能吐丹置掌中光芒出戶尋復嚙之嘗遊河洛登嵩山中峰石室樂其幽勝時夜忽聞兵騎聲有二神吏謂曰東嶽主者道過謁天師主者曰昔曾聖師於青城

今四百餘載自魏晉以來亂離已久生靈受害罪業牽纏無由解脫今嶽司有幸重遇聖師願乞廣宣符錄庶俾超化言訖辭去天師還山分遣弟子宣化四方以積玄功壽一百二十歲而化元至正十三年贈上青玄妙大虛真君

十一代天師諱通玄字仲達天性靜默常獨坐一室非時不出雖左右人亦常罕見歲大疫以標植水中汲飲者皆愈有持帛來謝卻之曰吾祖以濟人安可受謝乞符者雲集受經錄者益眾年九十七而化元至正十三年贈上清玄應冲和真君  
十二代天師諱恒字德潤經史過目悉不忘唐高宗遣使召至問以治國安民之道對曰能無為則天下治矣上嘉之尤善約術自言

吾神仙中之狡獪者一日自闕潛歸嘆曰吾飄落世網學道於家嘗推糶於室中對妻子茹葷飲酒夜發甕皆在瓮中經日不壞年九十八而化元至正十三年贈上清玄德太和真君

十三代天師諱光字德紹勵志於道脩煉居石室中垂三十年及襲教乃還家傳授經錄居常蔬食後能辟穀壽一百四歲而化元至正十三年贈太玄至德廣妙真君幼子名梧字君明自幼脩煉能辟穀飛行往來不知所終

十四代天師諱慈正字子明智明敏常以易道教人從者雲集每有餘貲即賑貧乏兼妻脩道山中登聖井山結庵獨處每歲三元日傳經錄則出山朝廷累徵不起後百餘歲化空中聞仙樂聲下迎今聖井號微君山溪號微君坑元至正十三年贈太玄上德紫虛真君  
十五代天師諱高字士龍姿宇超曠好酒縱飲一石不醉唐玄宗召見命即京師置壇傳

錄頒賜金帛免租稅冊封漢祖天師號肅宗降香幣建醮於山中賜宸翰以贊天師像嘗忘玉印長安酒家有少年力舉之不能動明日天師至笑而携去年九十三化元至正十三年贈太玄崇德玄化真君

十六代天師諱應韶字治鳳襲教後授其子以劍印隱居山南龍鬚井上躬耕自娛每據石吹鐵笛井上聲聞數里一日懸篋井上端坐而化壅井傍今有仙人墓竈枒樹門在焉所耕之地號黃沙坑元至正十三年贈洞虛演道冲素真君

十七代天師諱順字中孚至孝母疾經旬月不解帶每謂人曰人不忠孝而欲學道希仙是舍舟楫而涉大川也初任貴水尉棄官襲教携妻子結茅山中以居壽八十七而化元至正十三年贈洞虛開教孚佑真君  
十八代天師諱士元字仲良瘠而多髯居應天山四十年山多虎人莫敢謁惟三元日則下山傳錄每大風雨或見其玄冠乘黑虎往來諸峰間知其為天師也今山南有丹舍山

北有緡經石黑龍井碧蓮池皆其遺跡年九十二歲元至正十三年贈洞虛明道贊運真君

十九代天師諱脩字德真性淳朴躬耕於野以疾告者篆木葉治之即愈凡傳符錄有得

隨以施人江西大賈劉運者嘗受符錄一日

死於金陵二日復甦言為冥司所攝道遇仙吏曰常受法錄死期雖至可復延二紀遂入

山中為弟子一日天師集諸弟子曰吾某日當化至日沐浴更衣端坐而化年八十五歲

○元至正十三年贈冲玄翊化昭慶真君

二十代天師諱諶字子堅唐會昌辛酉武宗召見賜傳錄壇字額曰真仙觀將命官辭歸

不受感通中誌宗命建金錄大醮賜金帛還山一日大醉而化年一百餘歲元至正十三

年贈冲玄洞真孚德真君

二十一代天師諱秉一字溫甫母嘗畫寢夢神人覆金籠下降覺而有娠十有五月而生

既長目光如電夜能視物常負劍行山澤開叱一老樹雷即震裂打死二巨蟒小蛇百餘

南唐齊王夢陳井中有道士碧眼長髯衣絳

衣掖出之占曰此漢天師也遂即龍虎山建

祠宇賜水田天師將化曰吾去矣須地震乃殮已而果震七日乃殮體溫如玉壽九十二

元至正十三年贈守玄紫極昭化真君

二十二代天師諱善字元長幼不茹葷稍長

遍遊名山三十餘年始還淵默內脩不與物接壽八十七元至正十三年贈清虛崇應孚

惠真君

二十三代天師諱季文字仲珪五代之季人

受其經錄甚衆乃鑄鐵環券繼之宋初鐵券錄尤盛壽八十七元至正十三年贈清虛妙

道輔國真君

二十四代天師諱正隨字寶神性質直敦朴

不與俗接宋大中祥符八年乙卯召至吏部尚書王欽若為奏立授錄院并奉勅改真仙

觀為上清觀年八十七歲而終宋真宗皇帝制曰朕嗣守宗祧欽崇天道荷乾坤之瑞應

闡河洛之珍符思與至人共參妙道爾祖得靈詮於金闕垂法統於後昆汝為嫡孫紹承

異學茲啓先天之秘以誘後覺之民惟帝鑒

觀濟世仁壽肆頒徽號益衍玄猷賜號真靜

先生元至正十三年贈清虛廣教妙濟真君

二十五代天師諱乾曜字元光端靜寡言篤

志內脩宋天聖八年仁宗召赴闕問以冲舉

之事對曰此非可以輔政教也陛下苟能返

之朴行以簡易則天下和平矣奚事冲舉哉

上嘉之賜號澄素先生上又問卿有幾子對

曰長子傳道次業儒遂以次子見素為將作

監主簿見素雖仕而志尤慕道以衛尉守丞

休官隱居鄱陽東湖至今子孫家馬天師年

八十五而化瘞劍仁福鄉樟埠曹家源宋仁宗皇帝制曰朕嗣服歷年潛心至道若積黃

帝之為君也所以養人民官陰陽而成無為

之治者則有廣成子在空峒之上不憚騰行

順下風而問焉為民故也爾不遠千里至輦

下一言悟朕得養生治民之要可無微稱以

示旌異尚弘神化用副招延罔俾廣成專美

前古賜號澄素先生元至正十三年贈崇玄

普濟湛符真君

二十六代天師諱嗣宗字榮祖生而左手有印文及製教神異著至和二年己未宋仁宗召赴闕祈禱有應奉勅遷上清觀於山之陽年七十八貌若童顏賜號虛白先生八十一而化瘞劍醜口塞宋仁宗皇帝制曰紫望

秩宗乃禱祠之肇啓行宮藏事非巫史之可儕苟誠意之旁通亦治世之所賴漢天師二十六代孫張嗣宗紹承家學綽有祖風比露劍以箋天旋彌災而為福非道心精一至誠感神能若是耶虛空生自吉祥止止惟爾有焉賜號虛白先生元至正十三年贈崇真普化妙悟真君

二十七代天師諱彖中字拱宸生三月能行五月能言七歲召赴闕賜茶衣命嗣教賜坐闕道大稱旨上賜宸翰後歸徵君山梧竹塘結廬以居得道冲舉有七星墩白鶴鳩存焉元至正十三年贈崇真通惠紫玄真君  
二十八代天師諱敦復字延之學識天成聲如洪鐘士林仰之宋熙寧間神宗召赴闕命離於內殿賜號葆光先生年五十三而化瘞

劍鄧家塢宋神宗皇帝制曰朕荷后皇眷頌之休藉祖宗盈成之業海宇寧謐民物阜康思弘清淨之風共樂無為之治漢天師二十八代孫張敦復世傳祖印早悟真詮惜遽遊於丹丘遂莫前於宣室宣申簡冊以貴烟霞

漢天師世家卷二

正一天師清微弟子 洪百堅 製作  
道教學術資訊網

漢天師世家卷三

二十九代天師諱景端字子仁敦復之從子也性恬澹絕嗜慾不與物競篤志玄學大觀二年贈葆光先生年五十二歲而化宋徽宗皇帝制曰朕惟禦災捍患祀典所先崇德報

功聖人所尚乃者虛靖先生張繼先靖鹽池之妖氛藏金庭之醮奏如響斯答厥功甚懋推其本原蓋有家學而汝名號之稱朕甚憐焉特贈葆光先生元至正十三年贈太極清虛慈妙真君

三十代天師諱繼先字嘉聞又字道正號倫然子二十七代天師之曾孫祖敦信父處仁仕宋知臨川縣宋元祐七年壬申十月二十日生於蒙谷庵五歲不言一日聞雞鳴忽突賦詩曰靈鷲有五德冠距不離身五更張大口喚醒夢中人翌日宴坐碧蓮花上人皆稱異為真仙今浴仙觀有池存焉九歲嗣教崇寧二年游州奏鹽池水溢上以問道士徐神翁對曰蛟蜃為害宜宣張天師命有司聘之明年赴闕召見問曰卿居龍虎山曾見龍虎